

PREGLED OLAKŠICA I POTICAJA ZA INVESTITORE

I POTICAJI ZA INVESTITORE

Privrednicima koji investiraju na području Općine Zavidovići staje na raspologanju sljedeći poticaji sa različitih nivoa vlasti:

I 1. POTICAJI NA LOKALNOM NIVOU:

Općinski poticaji koji se dodjeljuju prema Programu utroška sredstava sa Transfera za poticaj zapošljavanja i razvoja privrede.

Poticaji se dodjeljuju kroz 5 mjera:

1. Subvencioniranje troškova obuke novozaposlenih pri prvom zaposlenju za poslove u proizvodnim djelatnostima
2. Subvencioniranje unapređenja poslovanja
3. Subvencioniranje kamatne stope za poduzetničke kredite
4. Razvoj ženskog poduzetništva
5. Subvencioniranje dijela troškova zakupa poslovnog prostora na području općine Zavidovići

I 2. POTICAJI NA NIVOU ZENIČKO-DOBOJSKOG KANTONA

Kantonalno ministarstvo za privredu posljednji niz godina dodjeljuje sljedeće vrste poticaja:

1. Refundacija finansijskih sredstava namjenjenih subvencioniranju uvođenja i certifikaciji sistema za upravljanje kvalitetom po međunarodnim standardima i dijela marketinških troškova za proizvode nagradene na sajamskim manifestacijama

- Ovu vrstu poticaja mogu iskoristiti mali privredni subjekti (MSP-po definiciji) i (pravna i fizička lica iz područja djelatnosti C ili D-Prerađivačka industrija, prema Standardnoj klasifikaciji djelatnosti), kao i privredni subjekti (pravna i fizička lica) iz područja proizvodnih djelatnosti koji u propisanoj proceduri na domaćim ili na- sajmovima dobiju priznanje (medalju za kvalitet) za svoj proizvod, koji su registrovani i funkcioniraju na području ZE-DO kantona.
- Jedan korisnik poticaja može koristiti najviše dvije vrste poticaja u tekućoj budžetskoj godini, s tim da dobijeni iznos ne prelazi 50.000,00 KM.
- U toku jedne budžetske godine korisnik ima pravo na subvenciju samo jednog certificiranja.

2. Refundacija finansijskih sredstava namjenjenih subvencioniranju regresiranju kamata na investicijske kredite

Za ovu vrstu poticaja se mogu prijaviti mali privredni subjekti (MSP-po definiciji) registrovani na području ZE-DO kantona, koji proizvodnu investiciju realiziraju nvesticijskim kreditom komercijalnih banaka iz BiH čija je kamata 4,5 i više procenata.

- Pod proizvodnom investicijom, u duhu ovih kriterija, podrazumjeva se isključivo:
- kupovina, izgradnja, uređenje i proširenje objekata za obavljanje registrovane proizvodne djelatnosti iz područja D (ili C po novom) – Prerađivačka industrija (Standardna klasifikacija djelatnosti),

- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrovane proizvodne djelatnosti iz područja D (ili C po novom) – Prerađivačka industrija (Standardna klasifikacija djelatnosti),
- obezbjedenje osnovnih sredstava, za obavljanje registrovane proizvodne djelatnosti iz područja D (ili C po novom) – Prerađivačka industrija (Standardna klasifikacija djelatnosti).

3. Refundacija finansijskih sredstava namjenjenih subvencioniranju investicija kod obrta iz područja prerađivačkih djelatnosti i obavljanje djelatnosti prema Uredbi o zaštiti tradicionalnih i starih zanata

Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu sa liste vezanih i posebnih obrta, te Popisa tradicionalnih zanata, za koju posjeduju dozvolu za obavljanje djelatnosti izdatu od nadležnog organa najmanje 6 mjeseci prije, računajući od dana podnošenja zahtjeva.

Na pomenutu poticajnu mjeru se mogu prijaviti fizička lica, koji posjeduju dozvolu za obavljanje obrtničke djelatnosti na području ZE-DO kantona, čiji su proizvodni gradevinski prostori površine od 5 do 200 m, prema dozvoli koja se odnosi na Zakonu o o obrtu sa liste vezanih i posebnih obrta.

4. Refundacija finansijskih sredstava namijenjenih subvencioniranju troškova jačanja konkurentnosti

- Na pomenutu poticajnu mjeru se mogu prijaviti mali privredni subjekti (MSP-po definiciji) registrovani na području ZE-DO kantona koji realiziraju izvoz proizvoda;
- Pravo korištenja imaju privredni subjekti iz područja prerađivačkih djelatnosti (A,B,C I D- Standardne klasifikacije djelatnosti (stare i nove) čija realizacija izvoza sa ukupnim prihodom iznosi 7.000.000,00 KM za prehodnu godinu i realiziranim izvozom za prethodnu godinu.
- Jedan korisnik poticaja može koristiti najviše dvije vrste poticaja u tekućoj budžetskoj godini, s tim da dobijeni iznos ne prelazi 50.000,00 KM.
- Subvencioniranje troškova realiziranog izvoza iznosi od 3% u KM u prethodnoj godini, ali ne više od 25.000,00 KM po godini.

5. Refundacija finansijskih sredstava namijenjenih subvencioniranju administrativnih troškova kod pokretanja poslovnih ideja i registracije privrednih subjekata

- Na pomenutu poticajnu mjeru se mogu prijaviti potencijalni poduzetnici nezaposlena punoljetna fizička lica sa stalnim mjestom boravka u Zeničko-dobojskom kantonu i koja proizvodnu poduzetničku ideju namjeravaju realizirati na području ZE-DO kantona. Pravo na poticaj nemaju članovi uže porodice potencijalnog poduzetnika, te korisnici koji nisu uspjeli realizirati poslovnu ideju.
- Vlada Kantona preuzima finansiranje za:
- Troškove izrade Poslovnog plana u iznosu do 2.500,00 KM,
- Troškove registracije privrednog subjekta u iznosu do 2.500,00 KM,
- Trošak doprinosa za uposlenika privrednog sistema u toku prve tri godine uspješnog poslovanja.

6. Refundacija finansijskih sredstava namijenjenih subvencioniranju realizacije patenata inovatora sa područja Zeničko-dobojskog kantona

- Ovu vrstu poticaja mogu iskoristiti inovatori iz ZE-DO kantona.
- Jedan inovator ne može biti korisnik više od jednog poticaja Ministarstva za privredu u toku tekuće budžetske godine.
- Inovatoru će dobiti sredstva u iznosu od 5.000,00 KM za jedno patentno rješenje.
- Jedan inovator može dobiti poticaj za najviše 3 (tri) patenta;

- Pravo na poticaj nemaju članovi uže porodice inovatora koji je ostvario maksimalni iznos poticaja;

7. Refundacija finansijskih sredstava namjenjenih subvencioniranju troškova organizacije poslovnih zona na području Zeničko-dobojskog kantona

Na pomenutu poticajnu mjeru mogu se prijaviti, općine na području ZE-DO kantona koje uspostavljaju ili su već uspostavile jednu ili više zona čije zemljište je ili će biti u isključivom vlasništvu općine.

8. Refundacija financijskih sredstava namjenjenih subvencioniranju projekata komora i udruženja iz područja privrede

- Za ovu vrstu poticaja se mogu prijaviti imaju komore i udruženja koja su registrovana sa sjedištem na prostoru ZE-DO kantona najmanje godinu dana prije objavljivanja javnog poziva, prema Zakonu.

- Podnosiocu zahtjeva će se dobiti – refundirati sredstva u jednokratnom iznosu, ali ne više od 50 % ukupnih troškova realiziranog projekta.

- Maksimalni iznos sredstava koji se može odobriti i isplatiti korisniku po jednom projektu je:

- do 5.000,00 KM - za pripremu i organizaciju edukacije poduzetnika,

- do 10.000,00 KM - za pripremu i izradu kolektivnih promotivnih materijala,

- do 15.000,00 KM – za pripremu i organizaciju kolektivnih nastupa na sajmovima u BiH.

Sredstva su u ukupnom iznosu od 20.000,00 KM limitirana po više osnova:

- po jednom subjektu – korisniku,

- u toku jedne budžetske godine;

9. Refundacija financijskih sredstava namjenjenih subvencioniranju administrativnih troškova kod izgradnje proizvodnih objekata

- Korisnici sredstava poticaja su isključivo privredni subjekti (pravna i fizička lica registrovana kao obrt najmanje jednu godinu), registrovana za obavljanje proizvodnih djelatnosti u ZE-DO kantonu, koja proizvodni objekat izgrade na području Zeničko-dobojskog kantona (MSP po definiciji) i na koje je upisano pravo vlasništva nad objektom poticaja.

- Jedan korisnik poticaja može koristiti najviše dvije vrste poticaja u tekućoj budžetskoj godini, s tim da dobijeni iznos ne prelazi 50.000,00 KM.

- Pravo na korištenje poticaja nema privredni subjekt koji izgrađeni objekat iznajmi drugom subjektu

10. Refundacija financijskih sredstava namjenjenih subvencioniranju povećanja iskorištavanja kapaciteta u ugostiteljskim objektima i posticanja turizma u seoskim domaćinstvima

- Ovu vrstu oticaja mogu iskoristiti fizička lica iz ZE-DO kantona registrovana za obavljanje ugostiteljske djelatnosti na području ZE-DO kantona u svim vrstama objekata u seljačkom domaćinstvu (etno-sela i sl.), kao što su vinotočja / kušaonice, izletišta, sobe, apartmani i kampovi itd.

- Korisnici koji mogu iskoristiti ovaj poticaj su fizička lica koja su registrovani za obavljanje ugostiteljske djelatnosti i čiji objekat ispunjava minimalne uslove propisane za ugostiteljske objekte, kome se dodjeljuje novčani iznos jednokratno u iznosu od 5.000,00 KM.

- Jedan korisnik poticaja može koristiti najviše dvije vrste poticaja u tekućoj budžetskoj godini, s tim da dobijeni iznos ne prelazi 50.000,00 KM

I 3. POTICAJI NA NIVOU FEDERACIJE BOSNE I HERCEGOVINE:

Federalni zavod za zapošljavanje posljednji niz godina provodi Program sufinansiranja zapošljavanja – kroz mjere:

1. Prvo radno iskustvo - Jačanje konkurentnosti na tržištu rada

- Ciljana grupa za ovu vrstu poticaja su bili dugotrajno nezaposlena osobe u dobi od 30 do 40 godina prijavljene na evidenciju nezaposlenih najmanje 12 mjeseci sa srednjom stručnom spremom (III i IV stepen) i nižih kvalifikacija.
- Zavod Poslodavcu je mjesечно morao da isplaćuje/refundira iznos od 330 KM za protekli mjesec za osobe sa srednjom stručnom spremom (KV/SSS) u trajanju od šest mjeseci i iznos od 360 KM za protekli mjesec za osobe sa višom (VŠS), odnosno visokom stručnom spremom (VSS) u trajanju od 12 mjeseci, a koji obuhvata dio troškova obaveznih doprinosa i/ili dio neto plaće.
- Osnovni iznos sufinansiranja se bez kumulativnog zbrajanja povećavao za 10% za nezaposlene žene.

2. Vaučer za posao – Zapošljavanje teže zapošljivih nezaposlenih osoba

- Cilj ovog programa je bio da zaposli dugotrajno nezaposlenih osoba u dobi od 30 do 40 godina prijavljene na evidenciju nezaposlenih najmanje 12 mjeseci sa srednjom stručnom spremom (III i IV stepen) i nižih kvalifikacija, kao i druge klasifikacije koje je propisao Federalni zavod za zapošljavanje.
- Zaključivanjem ugovora o radu je bilo na određeno vrijeme u trajanju od šest mjeseci, što je omogućavalo prekid dugotrajne nezaposlenosti i integracija na tržište rada.
- Iznos sufinansiranja bio je utvrđen u visini od 2.400 KM.

3. Periodično zapošljavanje

- Za realizaciju Programa sufinansiranja zapošljavanja 2017. bila su predviđena sredstva u iznosu od 18.000.000 KM u skladu sa Finansijskim planom za 2017. i procjenom za 2018. i 2019. godinu.
- Program se realizirao s ciljem zapošljavanja najmanje 6.000 osoba sa evidencije nezaposlenih u Federaciji BiH sa posebnom socijalnom i rodnom osjetljivošću, a radi jačanja njihove konkurentnosti na tržištu rada, sprečavanja dugotrajne nezaposlenosti, očuvanja i unapređenja radnih sposobnosti, te stvaranja uvjeta za jačanje konkurentnosti mladih osoba bez radnog iskustva kroz osposobljavanje za rad u struci i sticanje prvog radnog iskustva.

4. Javni radovi

- Poslodavcu je po ovom programu mogao odobriti sufinansiranje najviše 30 osoba sa evidencije nezaposlenih po kantonu.
- Ciljana grupa su bile nezaposlene osobe bez obzira na radno iskustvo, dob i stepen obrazovanja, prijavljene na evidenciju nezaposlenih osoba duže od šest (6) mjeseci prije dana podnošenja prijave poslodavca na Javni poziv, uz zasnivanje radnog odnosa na period do tri mjeseca.
- Poticajne mjere Zavod Poslodavcu mjesечно su se isplaćivale/refundirale u iznos od 400 KM za protekli mjesec u trajanju do tri mjeseca, a koji obuhvata dio troškova obaveznih doprinosa i/ili dio neto plaće.

Detaljne informacije se mogu pronaći na web stranici Federalnog zavoda za zapošljavanje: www.fzzz.ba/projekti/program-sufinansiranja-zapoljavanja

Federalno ministarstvo razvoja, poduzetništva i obrta posljednji niz godina dodjeljuje Grant sredstva po sljedećim projektima:

1. Poticaji inovatorima-pojedincima

Cilj mjeru je poticanje inovatora na razvoj inovacija; dovođenje inovacije do proizvoda; poticanje inovatora da krenu u poduzetničke poduhvate i upotreba inovativnog potencijala u stvaranju domaćih proizvoda.

Iznos sredstava koji se može tražiti od ministarstva je do 5.000,00 KM

2. Poticaj udruženjima, komorama i obrazovnim institucijama

Cilj ove mjeru jeste razvoj i afirmacija poduzetništva i obrta; interesno umrežavanje poduzetnika i obrtnika, organizirano zastupanje interesa poduzetnika i obrtnika na zajedničkom tržištu; opstanak i razvoj komorskog sustava u Federaciji BiH, edukacija članova komora i udruženja, organiziranje zajedničkih nastupa na sajmovima.

Iznos sredstava koji se može tražiti od ministarstva je do 6.000,00 KM

3. Unapređenje institucijske poduzetničke infrastrukture

Mjera podrške podrazumijeva uređenje i opremanje prostora za prihvatanje malih i srednjih poduzetnika, odnosno poduzetnika početnika; razvoj poduzetničkih potpornih institucija (poduzetničkih centara, poduzetničkih inkubatora i tehnoloških parkova); unapređenje efikasnosti proizvodnje i proizvodnih procesa na tržištu malih i srednjih preduzeća umreženih u klastere; privlačenje investicija i stvaranje mogućnosti za otvaranje novih radnih mjesta.

Korisnici sredstava su poduzetničke potporne institucije s područja Federacije BiH (poduzetnički inkubatori, tehnološki parkovi, klasteri i poduzetnički centri).

4. Poticaj projekatima koje financiraju EU i drugi inozemni donatori

Ciljevi poticaja su razvoj i afirmacija poduzetništva i obrta kroz podršku projektima koje finansiraju EU i drugi inostrani donatori u cilju izgradnje povoljnijeg poslovnog okruženja za rast i razvoj MSP-a.

Korisnici sredstava su razvojne agencije, udruženja poduzetnika i obrtnika i fondajce koje svojim projektima promoviraju i potiču razvoj poduzetništva i obrta u Federaciji BiH.

5. Poticaji novoosnovanim subjektima MSP

Federalno ministarstvo ovu mjeru provodi u cilju Održavanje pozitivnog trenda poduzetničke aktivnosti s aspekta povećanja broja novoosnovanih subjekata male privrede. Korisnici sredstava su subjekti male privrede definisani po Zakonu o poticanju razvoja male privrede i Zakonu o obrtu i srodnim djelatnostima koji imaju sjedište na području Federacije BiH, nalaze se u većinskom privatnom vlasništvu državljanu BiH, te najmanje 1 (jednog) zaposlenog na neodređeno vrijeme. Kroz grant sredstva će se realizirati subvencioniranje troškova registracije i troškova doprinosa za uposlene.

6. Poticaji tradicionalnim i starim zanatima

Cilj poticaja jeste očuvanje obrtničke tradicije, kulturnog i istorijskog nasljeđa poticanjem tradicionalnih i starih obrtničkih djelatnosti kroz sufinansiranje troškova: provođenja poslovnog plana, poboljšanja uslova rada u radionici, obrazovanja i stručnog osposobljavanja zaposlenih i izradu reklamnog materijala.

Obrtnici koji obavljaju djelatnost u skladu s Uredbom o zaštiti tradicionalnih i starih obrta posluju najmanje 12 mjeseci. Svi korisnici sredstava moraju imati sjedište na području

Federacije BiH, nalaziti se u većinskom privatnom vlasništvu državljana BiH, te imati najmanje 1 (jednog) zaposlenog na neodređeno vrijeme.

7.Tehničko usklajivanje (uvodenje ISO i HACCP standarda i osiguranje CE znaka)

Ova mjera podrazumijeva finansijsku pomoć u vidu refundacije sredstava pri uvođenju sistema upravljanja kvalitetom (ISO i HACCP standarda) i osiguranje CE znaka sa ciljem povećanja konkurentnosti subjekata malog gospodarstva iz FBiH

Korisnici sredstava su subjekti malog gospodarstva definirani po Zakonu o poticanju razvoja malog gospodarstva, i Zakonu o obrtu i srodnim djelatnostima koji imaju sjedište na području Federacije BiH i u većinskom su privatnom vlasništvu državljana Bosne i Hercegovine, te imaju najmanje 1 (jednog) zaposlenog na neodređeno vrijeme.

Federalno ministarstvo okoliša i turizma posljednji niz godina u oblasti turizma dodjeljuje Grant sredstva za sljedeće projekte:

1. Sufinansiranje projekata za unapređenje turističke i ugostiteljske infrastrukture u cilju povećanja konkurentnosti u sektoru turizma i ugostiteljstva i produžetka turističke sezone

Sredstva su namijenjena pravnim i fizičkim licima, registrovanim za turističku i ugostiteljsku djelatnost na području Federacije BiH.

Aktivnosti koje se finansiraju podrazumijevaju: Uređenje i opremanje postojećih i izgradnja novih zabavnih i tematskih parkova, igrališta, koji prema sadržaju, temi i atraktivnosti, doprinose konkurentnosti destinacija i produžetku turističke sezone uz uslov dostave projektne dokumentacije; Dodatni sadržaj za boravak porodice sa djecom; Zimske i ljetne bašte, balon hale; Izgradnja pristupnih dijelova i ostale infrastrukture potrebne za osobe sa invaliditetom.

2. Sufinansiranje Programa razvoja sportsko-avanturističkog turizma (biciklizam, rafting, adrenalinski sportovi, lov, ribolov i sl.) u cilju obogaćenja i unapređenja turističke ponude i privlačenja kako domaćih, tako i regionalnih i stranih turista

Aktivnosti koje se finansiraju: Biciklizam, planinarenje, lov i ribolov, canyoning, rafting, paraglajding, jahanje, bungee jumping, snowboard, adrenalinski parkovi, itd. kroz ulaganje u opremu, sadržaj, terene, prostore i manifestacije tog tipa. Izrada web stranica i aplikacija usmjerenih ka promociji i unapređenju sportsko-rekreativnog i avanturističkog turizma, na BHS i engleskom jeziku. Aktivnosti koje su usmjerene prema ranjivim skupinama turista (osobe sa invaliditetom, osobe starije životne dobi). Aktivnosti koje promovišu aspekt sigurnosti prilikom bavljenja sportskorekreativnim i avaturističkim turizmom.

3. Sufinansiranje Programa podrške unapređenju izrade i plasmana turističkih suvenira u svrhu jačanja turističke ponude

Svrha programa: Poboljšanje ponude turističkih destinacija Federacije BiH i bolja promocija raspoloživih resursa, kroz turistički suvenir prepoznatljivog porijekla na osnovu lokalne, regionalne, nacionalne, kulturno-historijske, tradicijske i prirodne baštine.

Aktivnosti koje će se finansirati: Nabavka novih mašina, alata i materijala za izradu suvenira; Prikladna ambalaža sa opisom za suvenire s ciljem plasmana na tržište; Izlaganje suvenira na sajmovima (najam štanda i sl.); Aktivnosti vezane za izradu suvenira, sa posebnim osvrtom na uključivanje sljedećih skupina aplikanata za izradu suvenira: osoba sa invaliditetom, osoba starije životne dobi, nezaposlenih, mlađih, žena i ranjivih skupina.

4. Sufinansiranje Programa podrške putničkim agencijama koje rade na dovođenju turista u BiH – INCOMING i vrše promociju raspoloživih resursa i turističkih destinacija na području Federacije BiH

Svrha programa: Promocija turističkih resursa Federacije BiH, sa ciljem povećanja broja dolazaka turista na području Federacije BiH.

Aktivnosti koje će se finansirati: Odlasci i učešće na najznačajnijim renomiranim međunarodnim sajmovima (Madrid, Milano, Berlín, Istanbul, London, Dubai); Odlazak i učešće na sajmovima u cilju otvaranja novih tržišta (Južna Amerika, Azija i Afrika); Organizacija posjeta i turističkih tura za bloggere, novinare, foto reportere i tour operatore, koji će kroz afirmativne tekstove i izvještaje prezentovati turističku ponudu Federacije BiH.

II OLAKŠICE ZA INVESTITORE

Privrednicima koji investiraju na području Općine Zavidovići staje na raspologanju sljedeće olakšice sa različitih nivoa vlasti:

II 1. OLAKŠICE NA LOKALNOM NIVOU:

Odluka o općinskim komunalnim takсama

Prema članu 8. Odluke o općinskim komunalnim takсama od plaćanja komunalne takse oslobođaju se:

1. Bosna i Hercegovina i Federacija Bosne i Hercegovine i njeni organi,
2. Zeničko-dobojski kanton i Općina i njihovi organi i službe,
3. Javne ustanove, sportske organizacije, asocijacije i klubovi, humanitarne, vjerske i dobrovorne organizacije iz osnovne djelatnosti i sva udruženja građana,
4. Fizička i pravna lica koja obavljaju djelatnost registrovanu u skladu sa Uredбом о заштити tradicionalnih i starih obrta ("Sl. novine Federacije BiH", broj: 66/09, 38/10 i 16/12).

dok je članom 11. iste odluke predviđeno umanjenje komunalne takse kako slijedi:

(1) Pravno ili fizičko lice koje počne da obavlja djelatnost, oslobođa se komunalne takse na istaknutu firmu za prvu godinu poslovanja (prva godina počinje teći od dana izdavanja rješenja o registraciji), a drugu godinu poslovanja plaća taksu u visini od 50%.

(2) Izuzetno, mladi (do 35 godina) koji po prvi puta pokreću vlastiti biznis, se oslobođaju plaćanja komunalne takse za prvu godinu poslovanja, a za naredne dvije godine plaćaju taksu u visini od 50%.

(3) Preduzeću koje prestane da obavlja djelatnost u toku godine, taksa na istaknutu firmu se obračunava samo za broj mjeseci u kojima je obavljao djelatnost.

(4) Preduzeća sa više poslovnih jedinica, bez obzira da li im je poslovno sjedište na području općine Zavidovići, za prvu Poslovnu jedinicu, bilo da je riječ o izdvojenoj lokaciji van poslovnog sjedišta, podružnici, filijali, ekspozituri, šalteru i slično, na području općine Zavidovići, plaćaju obvezu komunalne takse na istaknutu firmu u 100 % iznosu, a za svaku narednu Poslovnu jedinicu obaveza se umanjuje za 20 %, s tim što komunalna taksa na istaknutu firmu po Poslovnoj jedinici ne može biti manja od 100,00 KM.

Odluka o administrativnim takсama

Prema članu 9. Odluke o administrativnim takсama od plaćanja taksi oslobođeni su: 1. organi države Bosne i Hercegovine, Federacije Bosne i Hercegovine, organi kantona i općine kao i

mjesne zajednice sa područja općine Zavidovići, 2. javne ustanove, javna preduzeća i drugi subjekti čiji je osnivač Općina Zavidovići, 3. nezaposlena lica i lica zaposlena na određeno vrijeme čiji radni odnos prestaje u roku 30 dana od dana nastanka taksene obaveze, u postupku ostvarivanja prava na rad - zapošljavanje,
Takođe, članom 10. od plaćanja takse oslobođeni su spisi i radnje koji se tiču zahtjev za osnivanje tradicionalnih obrta.

II 2. OLAKŠICE NA NIVOU FEDERACIJE BOSNE I HERCEGOVINE:

Olakšice koje proizilaze iz Zakona o porezu na dobit

Poreznom obvezniku (strani ulagači) koji izvrši investiranje iz vlastitih sredstava u proizvodnu opremu u vrijednosti više od 50% ostvarene dobiti tekućeg poreznog perioda, umanjuje se obaveza obračunatog poreza na dobit za 30% iznosa u godini investiranja.

Poreznom obvezniku koji u periodu od pet uzastopnih godina izvrši investiranje iz vlastitih sredstava u ukupnom iznosu od 20 miliona KM, s tim da u prvoj godini investira 4 miliona KM, umanjuje se obaveza obračunatog poreza na dobit za 50% iznosa u godinama investiranja.

Porezni obveznik ima pravo na porezno priznati rashod u visini dvostrukog iznosa bruto-plaće isplaćene novoprimaljenim zaposlenima ukoliko ispunjava sljedeće uslove za to:

- trajanje ugovora o radu mora biti najmanje na period 12 mjeseci sa punim radnim vremenom i
- novoprimaljeni zaposleni nije bio zaposlen kod poreznog obveznika ili povezanog pravnog lica u prethodnih pet godina.

Preduzeće-Poslovna jedinica rezidenta koji je osnovan ili čije je sjedište ili kojem se stvarna uprava i nadzor nad poslovanjem nalazi izvan teritorije Federacije, a u Bosni i Hercegovini, oslobođa se plaćanja poreza na dobit koju ostvari poslovanjem na teritoriji Federacije.

II 3. OLAKŠICE NA NIVOU BOSNE I HERCEGOVINE

Olakšice koje se ostvaruju posredstvom Uprave za indirektno oporezivanje:

- Oslobođanje plaćanja PDV-a kod uvoza dobara u poslovne zone.
- Oprema koja se stavlja u slobodan promet, a predstavlja ulog stranog lica, osim putničkih vozila, automata za zabavu i igara na sreću oslobođa se plaćanja od poreza uvozne dadžbine.
- Roba koja se stavlja u slobodan promet za projekte obnove i rkonstrukcije BiH oslobođa se od plaćanja uvozne dadžbine.
- Oprema koja se stavlja u slobodan promet, a namjenjena je za obavljanje proizvodne djelatnosti u slobodnoj zoni, oslobođa se plaćanja uvozne dadžbine.
- Od dadžbine se oslobođaju osnovna sredstva i druga oprema koja pripada preduzećima koja su definitivno prekinula svoju djelatnost u stranoj zemlji i premjestila se u carinsko područje BiH.
- Oslobođanje od dadžbina za proizvode koje poljoprivrednici iz BiH dobiju na posjedima smještenim u stranoj zemlji.
- Oslobođanje od plaćanja uvoznih dadžbina na robu koja se uvozi u trgovačko-promotivne svrhe.

Dodatno, postoji after-care Fond za podršku stranim investitorima koji upravljaju Vijeće ministara BiH i FIPA i koji sredstva dodjeljuje jednom godišnje, putem javnog poziva.

